

Aktuelnosti:


1. Prezentacija online interaktivne poslovne karte BiH
2. Načelnik Muslić razgovarao sa ambasadorom Austrije u BiH
3. GIZ i Općina Livno organizuju info aktivnosti o energetskej efikasnosti
4. Informacija sa 24. sjednice Vlade FBIH
5. Prekogranični projekat „Na granici carstva“
6. Realizirana 22 infrastrukturna projekta na području općine G. Vakuf-Uskoplje
7. Održana konferencija o stvaranju povoljnijeg poslovnog okruženja u općini Ilidža
8. Općina Tešanj krenula u modernizaciju vodovodne mreže
9. Održan seminar o upravljanju ljudskim resursima
10. Uvođenje ISO standarda u Općini Tešanj
11. Upravljanje energijom u općinama
12. Prijedlog Zakona o lokalnoj samoupravi KS
13. Ceremonija potpisivanja Sporazuma načelnika o energetskej efikasnosti
14. Prezentacija općina koje su ušle u najuži izbor za dobijanje Beacon statusa
15. Intervju: Alija Hadžiabdić, načelnik Općine Olovo
16. 19 gradova apliciralo na titulu European Green Capital 2014
17. Poziv za dodjelu European Award of Excellence

Poštovani članovi i čitaoci,

PREZENTACIJA ONLINE INTERAKTIVNE POSLOVNE KARTE BOSNE I HERCEGOVINE

SARAJEVO, 11. novembar/studeni –

Danas je u Sarajevu, u zgradi Parlamentarne skupštine BiH, u organizaciji Agencije za unapređenje stranih investicija Bosne i Hercegovine (FIPA), održana je konferencija za



javnost povodom zvaničnog predstavljanja online interaktivne Poslovne karte Bosne i Hercegovine. Na ovoj karti su po prvi put kroz jedinstveni online portal dostupne informacije o zemljištu od interesa za poslovnu zajednicu i investitore. Karta omogućava besplatno pristup različitim slojevima podataka npr. Podacima o zemljištu, infrastrukturnim objektima, poslovnim i slobodnim zonama sa njihovim karakteristikama, demografiji, poslovnim informacijama i mnogim drugim vrstama podataka.

Mapa je razvijena u saradnji sa Međunarodnom finansijskom korporacijom (IFC), članicom grupacije Svjetske banke, i predstavlja geoportal sa ključnim podacima o zemljištu i poslovnim informacijama za investitore na jednom mjestu. Jedan od 174 različita izvora informacija je i web stranica Saveza općina i gradova Federacije Bosne i Hercegovine.

Interaktivnu Poslovnu kartu Bosne i Hercegovine sa dostupnim informacijama iz Vaše općine možete vidjeti na

<http://map.fipa.gov.ba/apex/f?p=1601:2:740319751597588>

NAČELNIK A. MUSLIĆ RAZGOVARAO SA AMBASADOROM AUSTRIJE U BIH

BIHAĆ, 11. novembar/studeni – Načelnik Općine Bihać Albin Muslić razgovarao je danas u Bihaću sa ambasadorom Republike Austrije u BiH Donatusom Koeckom o dobrim odnosima ovog dijela BiH i Austrije.

Načelnik Muslić je istakao da je sretan što i u Bihaću ima austrijskih investicija, te naglasio dobru saradnju sa "Austrothermom" koji zapošljava građane Bihaća.

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten prosljedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

Kontaktirajte nas

Telefoni:

033/ 216 502, 033/ 552 812

Fax: 033/552 810, 033/ 552 811

<http://www.sogfbih.ba>

<http://www.partnerstvogradova.ba/>

Kada su u pitanju investicije, ambasador je istakao da prati dva projekta koja se tiču Bihaća, a to su modernizacija kantonalne bolnice i opremanje Univerziteta u Bihaću, uz povoljna kreditna sredstva koja bi se vraćala tokom 11 godina i grant Republike Austrije.



Muslić je istakao da su navedeni projekti itekako značajni i da će Općina Bihać, u okviru svojih ingerencija, participirati u oba projekta, ali da lično smatra kako bi za Bihać mnogo više značila izgradnja zgrada za ekonomski i pravni fakultet. Načelnik je i ovaj razgovor iskoristio za poziv austrijskih privrednika da investiraju u Bihać, spominjući i razmjenu iskustava iz ovog domena, kao i razmjenu studenata Bihaća i Austrije u predstojećem periodu.

GIZ I OPĆINA LIVNO ORGANIZUJU INFORMATIVNE AKTIVNOSTI O ENERGETSKOJ EFIKASNOSTI ZA STANOVNIŠTVO



LIVNO, 11. novembar/studeni – Njemačka organizacija za razvojnu saradnju (GIZ) i Općina Livno organiziraju danas u Livnu informativne aktivnosti za stanovništvo pod sloganom "Štedimo energiju - Zaštiti životnu sredinu - Misli o sebi".

Kako je saopćio GIZ, ulične aktivnosti u Livnu rezultat su saradnje Općine Livno, GIZ-a, Američke agencije za

međunarodni razvoj (USAID) i Razvojnog programa Ujedinjenih nacija (UNDP).

Ovaj događaj je drugi dio manifestacije "Dani znanja o energetske efikasnosti u Livnu", koji traju dva dana.

Prvi dan je posvećen prezentacijama i posjeti objektima u Livnu, a drugi dan je otvorenog tipa sa uličnim manifestacijama za djecu i odrasle.

GIZ projekat "Konsultacije o energetske efikasnosti" jedan je od partnera ove manifestacije tokom koje će organizatori na gradskom trgu dijeliti brošure sa porukama energetske efikasnosti i porukom o tome šta općina radi po tom pitanju, kao i balone sa prigodnim sloganom.

Također, tokom manifestacije će biti podignut mobilni fudbalski stadion na parking sportskog centra, na kojem će biti održan fudbalski turnir "Fudbal za energetske efikasnost".

GIZ projekat "Konsultacije energetske efikasnosti" sarađuje po pitanju energetske efikasnosti sa šest općina: Livno, Travnik, Zenica, Zvornik, Laktaši i Prijedor.

Projekat pomaže općinama u pripremi konkretnih planova o tome kako da se postigne cilj smanjenja emisije CO2 za 20 posto u 2020.

e-mail: dino@sogfbih.ba

ZA PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

ZA FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KORISNI LINKOVI ZA PREDPRISTUPNE FONDOVE:

<http://www.southeast-europe.net/en/>

<http://www.adriaticpacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

INFORMACIJA SA 24. SJEDNICE VLADE FBiH



PODRŠKA DONOŠENJU ZAKONA O ŠUMAMA

SARAJEVO, 9. novembar/studeni – Polazeći od mišljenja Federalnog ministarstva poljoprivrede, vodoprivrede i šumarstva, Vlada Federacije BiH podržala je danas Prijedlog zakona o šumama koji su ponudila dva parlamentarna poslanička kluba (SDP i SDA) a koji je izradio Savez općina i gradova Federacije BiH.

Vlada smatra da ovaj zakonski projekat ima veliki značaj i da ga, zbog toga, treba što prije razmotriti Parlament FBiH, kako bi bio donesen do 6. decembra/prosinca 2011. godine.

Zaključeno je da se predlagači opredijele za proceduru donošenja ovog zakona, saopćeno je iz Ureda za odnose s javnošću Vlade FBiH.

IZRADA PRIJEDLOGA ZAKONA O PRIPADNOSTI JAVNIH PRIHODA U FBiH

Također, Vlada FBiH je na današnjoj sjednici imenovala Radnu grupu za analizu i pripremu rješenja u oblasti pripadnosti javnih prihoda u Federaciji BiH i izradu prijedloga novog Zakona o pripadnosti javnih prihoda u Federaciji BiH, u sastavu: Ante Krajina (predsjednik), Hajrudin Hadžimehanović, Salko Selman, Senahid Šaković, Almedin Aliefendić, Slaviša Šučur, Jasmina Zubić, Nermina Eminović, Aida Salihagić, Ana Dominković, Edina Kurević, Amra Babić, Muhidin Pleh, Fatima Karajko, Vejsil Cokoja, Predrag Kožul, Muhamed Kozadra, Jakov Ursa, **Hakija Osmić i Emir Dedović (ispred Saveza općina i gradova Federacije BiH)** i Bego Murtić (članovi) i Anisa Bandić (stručno lice). Zadatak Radne grupe je da do 30.6.2012. godine izradi analizu stanja u oblasti javnih prihoda u FBiH, te predloži rješenja postavljenih problema i poboljšanje uređenja u oblasti javnih prihoda, na osnovu čega bi se definirao najbolji zakonski okvir u ovoj oblasti.

PREKOGRANIČNI PROJEKAT "NA GRANICI CARSTVA"

"Na granici carstva" radni je naziv projekta za IPA Program prekogranične saradnje Republike Hrvatske i Bosne i Hercegovine. Uključuje nekoliko partnera, Sisačko-moslavačku županiju, županijsku turističku zajednicu, Grad Petrinju i Grad Hrvatska Kostajnica, zatim Općinu Dvor. U konzorciju sa BiH strane, vodeći partner u

<http://www.cbc-cro-bih.net/>

<http://www.programmed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

<http://eurelsmid.com/>

http://eacea.ec.europa.eu/index_en.php

projektu je općina Ključ, a pored nje učestvovala i općine Tešanj, Bužim, Bosanska Krupa i Bosanski Petrovac, te Vlada Unsko-sanskog kantona. Cilj projekta jeste jačati prekograničnu saradnju razvojem i objedinjavanjem zajedničke turističke ponude u općinama, te povećati turističku ponudu u pograničnom području. Kroz projekat se želi uspostaviti turistička infrastruktura uz tvrđave i historijske gradove, povećati kapacitet ljudskih potencijala putem edukacije, te povećati nivo znanja, svijesti i informisanosti o istorijskom naslijeđu lokalnog stanovništva.



U srijedu, 09. novembra/studenog održan je radni sastanak s predstavnicima svih općina kako bi se sagledalo do sada realizirano, te kako bi se dogovorile naredne aktivnosti. Otvoreni poziv IPA Prekogranične saradnje RH i BiH je do 5. decembra ove godine.

Mnogo je aktivnosti koje se planiraju sprovesti putem projekta za predviđenih 18 mjeseci. Obnova i uređenje starih gradova i historijsko-kulturnih objekata, postavljanje turističke signalizacije, opremanje i uspostava radionica za izradu tradicionalnih predmeta i suvenira, provođenje obrazovnih programa, organizacija edukacije za izradu predmeta i suvenira, javna kampanja, opremanje i uspostava kulturno-turističkih tačaka, organizacija onferencija i stručnih skupova o razvoju kulturnog turizma, priprema i štampanje zajedničke monografije, te na kraju oblikovanje, štampa i distribucija brošure s rezultatima projekta.

Bosanski Petrovac, kroz ovaj vid saradnje, želi uvrštavanje na turističku kartu Starog grada Bjelaja i srednjovjekovne crkve i nekropole sa stećcima na lokalitetu Crkvina u Koluniću.

Što se tiče Bosanske Krupe, planirana je sanacija zidina Starog grada, te organizacija okruglog stola na temu gradovi na granici carstva – jedinstven historijski prostor u funkciji razvoja u pograničnom području.

U vrijeme održavanja sastanka, organizirala bi se manifestacija kulturnog sadržaja koja će promovisati sve kulturne i društvene vrijednosti općine, na simboličan način i na simboličnom mjestu, Starom gradu "Pset".

Realizacijom zacrtanih ciljeva stotine hiljada ljudi u dvije zemlje direktno će imati koristi, a povezanost, turizam i saradnja Hrvatske i BiH dobili bi još više na značaju i vrijednosti.

REALIZIRANA 22 INFRASTRUKTURNA PROJEKTA NA PODRUČJU OPĆINE GORNJI VAKUF - USKOPLJE

GORNJI VAKUF – USKOPLJE, 7. novembar/studeni – Na području općine Gornji Vakuf - Uskoplje, prema podacima nadležne općinske službe, u 2011. godini je planirana realizacija 26 infrastrukturnih projekata, od kojih su 22 završena, a implementacija preostala četiri je u toku i trebali bi biti okončani do kraja ove godine, javio je dopisnik Agencije ONASA.

Projekte, čija je ukupna vrijednost oko 1.300.000 KM, finansiraju Općina Gornji Vakuf/Uskoplje, vlade Srednjobosanskog kantona i Federacije BiH, a dio sredstava je osiguran od stanovnika naselja u kojima su se izvodili radovi, kao i od GSM licenci.

Projekti su se odnosili asfaltiranje lokalnih puteva, izgradnju pješačkih staza, uređenje riječnih korita, te izgradnju mosta na rijeci Vrbas u naselju Hrasnica.

KONFERENCIJA O STVARANJU POVOLJNOG POSLOVNOG OKRUŽENJA NA PODRUČJU OPĆINE ILIDŽA



ILIDŽA, 4. novembar/studeni – Načelnik Općine Ilidža Senaid Memić organizirao je danas na Ilidži, u hotelu „Austrija“ konferenciju pod nazivom "Stvaranje povoljnog poslovnog okruženja na području općine Ilidža".

Osnovni cilj i koncept Konferencije je bio da se na jednom mjestu okupe poslovni ljudi iz različitih sektora, predstavnici izvršne i zakonodavne vlasti Kantona Sarajevo, s ciljem uzajamnog upoznavanja i predstavljanja, otvaranja poslovne saradnje, razmjene iskustava, kako bi se stvorilo što povoljnije poslovno okruženje na području općine.

Konferencijom se želio unaprijediti dijalog predstavnika privrednog sektora, banaka i javnih institucija s ciljem promoviranja povoljnih kreditnih sredstva, prezentiranja kreditnih linija u određene sektore, unaprijeđenja pristupa finansijskim sredstvima i poboljšanja poslovne infrastrukture.

Na kraju konferencije zaključeno je da će, polazeći od činjenice da je podrška poduzetništva jedan od starteških ciljeva razvoja općine, Općina Ilidža poduzeti neophodne aktivnosti na uspostavi Centra za podršku biznisa.

Sve općinske službe, koji u okviru nadležnosti sarađuju sa privrednicima, u narednom periodu će se usmjeravati u pravcu pružanja podrške razvoju malih i srednjih preduzeća kao i razvoju turizma i to kroz:

- pružanje podrške programima za osnivanje novih preduzeća kroz eventualno obezbijedenje vlastitih sredstava,
- sugerisanje lokaliteta za investiranje u općini,
- ažuriranje baze podataka privrednih subjekata sa podacima o djelatnostima,

- broju uposlenih njihovoj strukturi i planovima za budući razvoj,
- organiziranje mreže privrednika, naučnih, finansijskih i stručnih institucija u cilju unaprijeđenja i osiguranja tržišta, te
- obezbijedenja poslovnih prostora, sala kao i tehničkih sredstava kojima Općina raspolaže.

Općina će i dalje, u kontinuitetu biti organizator i medijator u povezivanju privrednika, predstavnika banaka, institucija organa uprave a sve u cilju većeg privrednog razvoja općine i stvaranja boljeg ambijenta za ulaganja.

OPĆINA TEŠANJ KRENULA U MODERNIZACIJU VODOVODNE MREŽE



TEŠANJ, 03. novembar/studeni – Općina Tešanj je krenula u aktivnost modernizacije vodovodnog sistema na svom području. Raspisan je javni poziv za rekonstrukciju automatizacije vodovoda, a vrijednost izvršenih radova iznositi će 150.000 KM.

Prema riječima Sabahudina Omerbašića, stručnog saradnika u općini, ovaj projekt rade zajedno sa lokalnim komunalnim poduzećem.

Automatizacija vodovoda, odnosno uspostava centralne upravljačke jedinice je kičma izgradnje sistema za daljinsko upravljanje. Ovim će se postići automatsko mjerenje nivoa vode u svim bazenima, automatska hlorizacija, mjerenje kvalitete vode i sl.

Za ovaj dio posla sredstva su već osigurana preko Fondacije Odras, a za potpuni završetak automatizacije sredstva će se pokušati osigurati iz općinskog budžeta te drugih izvora. Završetak modernizacije vodovoda očekuje se u iduće dvije godine, a za to će biti potrebno oko 300.000 do 350.000 KM.

ODRŽAN SEMINAR NA TEMU „UPRAVLJANJE LJUDSKIM RESURSIMA SA FOKUSOM NA ORGANIZACIONE MODALITETE OBUKE“



JAJCE, 03. novembar/studeni – U sklopu UNDP-og projekta „Sistem obuke za jedinice lokalne samouprave“ u Općini Jajce je dana 03.11.2011. godine održan seminar na temu „Upravljanje ljudskim resursima sa fokusom na organizacione modalitete obuke“. Seminar je organizovan u skladu sa Strategijom

obuke za jedinice lokalne samouprave u Federaciji BiH kojom je između ostalog predviđena i razrada modaliteta uspostavljanja i organizacije funkcije obuke u sistemu upravljanja ljudskim resursima, kao i obuka iz ove oblasti.

Na seminaru su bili prisutni predstavnici općina: Jajce, Ključ, Travnik, Novi Travnik, Gornji Vakuf – Uskoplje, Donji Vakuf kao i predstavnik Saveza općina i gradova Federacije BiH. Učesnici seminara - rukovodioci i službenici za pitanja ljudskih resursa u lokalnim administracijama su jasno prepoznali ključni značaj sistematičnog upravljanja ljudskim resursima u poboljšanju učinka i usluga njihovih administracija, zatim su se upoznali sa funkcijama i praktičnim rješenjima upravljanja ljudskim resursima u jedinicama lokalne samouprave sa naglaskom na funkcije obuke i upravljanja učinkom, te sa djelotvornim rješenjima za razvijanje funkcije obuke, njenim horizontalnim integrisanjem sa drugim funkcijama upravljanja ljudskim resursima i vertikalnim integrisanjem u sistemu obuke za jedinice lokalne samouprave.



UVOĐENJE STANDARDA ISO 14001:2004 U OPĆINI TEŠANJ



TEŠANJ, 03. novembar/studen – Danas je u Općini Tešanj potpisan ugovor za uvođenje sistema

okolinskog upravljanja po zahtjevima standarda ISO 14001:2004. Ugovor su potpisali Općinski načelnik Fuad Šišić i partner u projektu, Quality manager Šefket Turalić.

Općinski načelnik Fuad Šišić naglasio je kako *Općina Tešanj nastavlja sa*

izgradnjom sistema kvaliteta, te da uvođenje ovog standarda predstavlja logičan slijed s obzirom da je Općina Tešanj nosilac i sertifikata ISO 9001:2008, a što je i u skladu sa vizijom: Tešanj, sredina ekološke svijeti, čistoće i reda.

Implementacija ugovora počinje odmah sa edukacijom svih uposlenika, te radom sa quality timom. Planirano je da Općina Tešanj u februaru/veljači 2012. godine bude nosilac sertifikata 14001:2004, kazao je Quality manager Šefket Turalić.

Potpisivanju Ugovora je prisustvovao i predstavnik rukovodstva za kvalitet (PRK) Ferid Mustafić.

UPRAVLJANJE ENERGIJOM U OPĆINAMA

TRAVNIK, 29. oktobar/listopad – Od 26. do 28. oktobra/listopada na Vlačiću trajao je prvi trening u okviru DELTER projekta. Riječ je o projektu kojeg finansira EU, s ciljem da se obezbijedi podrška Bosni i Hercegovini u ispunjavanju zahtjeva iz Ugovora o energetske zajednici JIE, s fokusom na energetske efikasnost i obnovljive izvore energije.


Od kraja juna/lipnja do kraja jula/srpnja tekuće godine, 25 općina iz oba entiteta i

Brčko distrikta, imali su priliku aplicirati za male demonstracione projekte. Devet općina uspješno je ispunilo uslove konkursa, te će imati priliku dobiti punu tehničku podršku pri realizaciji projekata energetske efikasnosti u okviru prve komponente Delter projekta.

U prvom dijelu treninga, riječ je bilo o pokretanje i vođenju općinskih energetskih

projekata, a posljednji dan posvećen je temi „Upravljanje projektima“.

Eksperti predavači iz oblasti energetske efikasnosti i voditelji treninga u ime DELTER-a bili su Oliver Spätgens i Davor Sušić, a općine učesnice prvog treninga Bihać, Tešanj, Jajce, Prnjavor, Laktaši i Cazin.



PRIJEDLOG ZAKONA O LOKALNOJ SAMOUPRAVI KANTONA SARAJEVO



Dana 28.10.2011. godine Savez općina i gradova Federacije Bosne i Hercegovine je od Ministarstva pravde i uprave Kantona Sarajevo dobio tekst Prijedloga zakona o lokalnoj samoupravi i Zapisnik sa Okruglog stola organizovanog od strane Ministarstva pravde i uprave i OSCE misije u Bosni i Hercegovini održanog 18.10.2011. godine. Istog dana o navedenom je Savez obavijestio jedinice lokalne samouprave sa područja Kantona Sarajevo.

Zbog hitnosti, Savez je 03.11.2011. godine održao zajednički sastanak sa svim predstavnicima općina i Grada u cilju zauzimanja zajedničkog stava u vezi sa tekstom Prijedloga zakona. Na sastanku su zauzeti slijedeći stavovi:

- Jedinice lokalne samouprave su nezadovoljne ovakvim tekstom Prijedloga zakona o lokalnoj samoupravi. Nadležnosti i dalje nisu definisane i jasno precizirane, tekst Prijedloga zakona o lokalnoj samoupravi treba da prati tekst Zakona o pripadnosti javnih prihoda Kantona Sarajevo. Dakle, jedinice lokalne samouprave sa područja Kantona Sarajevo su jedinstvene u stavu da **ne mogu podržati ovakav tekst Prijedloga zakona**, naročito imajući u vidu potrebu da se, kao prethodno pitanje, riješe nadležnosti (ustavno-pravni status) Grada Sarajeva.
- Današnja rasprava je pokazala da su i, pored iskazanih napora i dostignutog stepena usaglašenosti, još mnoga pitanja ostala sporna. Iz tih razloga mišljenje je svih učesnika u današnjoj diskusiji da se o Zakonu **MORA i TREBA** još razgovarati, te da je bez obzira što se kasni u njegovom donošenju tj. usaglašavanju sa Zakonom o principima lokalne samouprave FBiH, a naročito imajući u vidu presude Ustavnog suda FBiH, potrebno još tražiti odgovarajuća rješenja jer specifičnost organizacije Sarajeva, kao Kantona, Grada, gradskih i vangradskih općina, to zahtijeva.
- Ističemo da se predlagač Zakona o lokalnoj samoupravi **nije pridržavao dogovorenih procedura** pripreme Zakona unutar formiranog Stručnog tima od strane Premijera Kantona Sarajevo, a čiji je zadatak bio prvenstveno da se preciznije definišu poslovi jedinica lokalne samouprave po svakoj pojedinačnoj oblasti utvrđenoj u članu 9. Radnog materijala Prijedloga zakona o lokalnoj samoupravi (veza - akt Ministarstva pravde i uprave Kantona Sarajevo, broj: 03-07-02-18436/07).
- Neophodno je pripremljeni tekst Prijedloga zakona o lokalnoj samoupravi koji je usklađen sa presudama Ustavnog suda Federacije Bosne i Hercegovine dostaviti jedinicama lokalne samouprave kako bi se njihova **općinska/gradsko vijeća u razumnom roku mogla očitovati**.

O zaključcima sa ovog sastanka će biti informisana nadležna skupštinska komisija Saveza kao i Predsjedništvo Skupštine Saveza Saveza općina i gradova Federacije Bosne i Hercegovine.

Stavovi su ispred Saveza općina i gradova Federacije BiH dostavljeni Ministarstvu pravde i uprave Kantona Sarajevo (predlagaču Zakona), Vladi Kantona Sarajevo i Skupštini Kantona Sarajevo.

TREĆA CEREMONIJA POTPISIVANJA SPORAZUMA GRADONAČELNIKA/NAČELNIKA O ENERGETSKOJ EFIKASNOSTI



U sjedištu Evropskog parlamenta u Briselu, 29. novembra/studenog održat će se Treća ceremonija potpisivanja Sporazuma gradonačelnika/načelnika o energetske efikasnosti (The Third Covenant of Mayors Ceremony). Potpisivanjem ovog sporazuma gradovi i općine se obavezuju na smanjenje emisije CO2 za više od 20% do 2020. godine. Do sada je Sporazumu pristupilo više od 3.000 potpisnika,

uključujući gradove, općine i druge teritorijalne zajednice. Potpisivanjem Sporazuma te su se zajednice obavezale štedjeti energiju, povećati energetske efikasnosti, primjenjivati obnovljive izvore energije u većoj mjeri i provoditi akcije za podizanje svijesti svojih građana o ovim temama.

Organizator ceremonije potpisivanja je Evropska komisija, Evropski parlament, Komitet regiona i ured Covenant of Mayors. Krajnji rok za prijavu učesnika je 21. novembar/studeni.

Iz Bosne i Hercegovine do sada je ovom sporazumu pristupilo 13 gradova/općina i to: Banja Luka, Bihać, Bijeljina, Gradiška, Kakanj, Laktaši, Livno, Prijedor, Sarajevo, Travnik, Trebinje, Tuzla i Zenica. Od ovog

broja pet općina je usvojilo akcioni plan uštede energije što čini drugi korak od ukupno tri. Do trećeg koraka – monitoring rezultata predviđenih akcionim planom, ni jedna od 3.000 potpisnica nije došla.

Što se tiče zemalja iz okruženja, najviše potpisnika ima iz Hrvatske – 30, zatim iz Slovenije – 7, Crne Gore – 5, Srbije – 4, Makedonije – 1.

Za više informacija o ovome skupu posjetite web-stranicu:

<http://www.eumayors.eu>



PROGRAM BEACON SCHEMA – PREZENTACIJA OPĆINA KOJE SU UŠLE U NAJUŽI IZBOR

Nakon verifikacionih posjeta koje su obavili Ekspertni članovi zajedno sa stalnim članovima Savjetodavne komisije, općine, koje su ušle u najuži izbor, će imati završno predstavljanje kandidata za sticanje Beacon statusa.

Predstavljanje kandidata obaviti će se 15. i 16. novembra/studenog 2011. godine u Tesliću, u hotelu „Kardijal“.



Svaka općina/grad će na raspolaganju imati ukupno 30 minuta, uz raspoloživu tehničku pomoć za multimedijalnu prezentaciju (računar i projektor), da pred punim sastavom Savjetodavne komisije predstavi svoja dostignuća. Na prezentaciju se može potrošiti najviše 15 minuta, a preostalih 15 minuta je predviđeno za pitanja i odgovore.

Nakon završenih prezentacija članovi Savjetodavne komisije će na osnovu predstavljenog i verifikacijskih posjeta pripremiti prijedlog općina kojima može biti dodijeljen Beacon status. Taj prijedlog se šalje na razmatranje

članovima Sekretarijata, a odobrenje daju g-đica Lejla Rešić, Ministrica uprave i lokalne samouprave RS, i gospodin Zoran Mikulić, Federalni ministar pravde. Beacon općine/gradovi šestog kruga Beacon sheme će biti proglašene na Svečanoj ceremoniji proglašenja u decembru/prosincu 2011. godine.

INTERVJU: ALIJA HADŽIABDIĆ, NAČELNIK OPĆINE OLOVO

Razgovarala: Nevena ŠARENAC



SARAJEVO, 28. oktobar/listopad (ONASA) - Načelnik Općine Olovo Alija Hadžiabdić u intervjuu Agenciji ONASA govori, pored ostalog, o resursima kojim raspolaže općina Olovo, kapitalnim projektima koje je općinska vlast uspjela realizovati u proteklom periodu, stepenu zaposlenosti, zdravlju i obrazovanju, saradnji Općine Olovo sa organima vlasti u ZDK i višim nivoima vlasti, te prioritetima u daljem radu.

ONASA: Koji su najveći problemi sa kojima se susreće općina Olovo?

HADŽIABDIĆ: Funkciju načelnika Općine Olovo obnašam od 2008. godine. Stanje koje sam tada zatekao u Općini bilo je više nego teško. Prema mom ličnom ubjeđenju, razlog tome prvenstveno su negativne političke odluke, koje se odnose na pripadanje općine Olovo Zeničko-dobojskom kantonu. Posljedica takvih odluka je stalno iseljavanje stanovnika sa područja općine Olovo. Nažalost, odlazi nam najobrazovaniji i najstručniji dio populacije, te reproduktivni dio stanovništva, koji bi trebalo da bude nosilac razvoja i osnova za proširenje zajednice. U posljednjih 15-ak godina, teritoriju općine Olovo napustilo je oko 5.000 stanovnika.

Suočeni smo sa problemima preduzeća, koja su bila u državnom vlasništvu, ali su sada u stečaju. Nažalost, od 2007. godine preduzeće Stupčanica je u stečaju. Ono je kroz istoriju bilo nosilac razvoja na teritoriji općine Olovo, a prije rata zapošljavalo je oko 3.000 radnika. Nakon rata, u ovom preduzeću bilo je zaposleno oko 1.000 radnika. Privatizacijom ovog preduzeća nastaju dodatni problemi u općini Olovo.

Zakon o šumama nametnuo je loša i neprihvatljiva rješenja kada je u pitanju interes lokalne zajednice. Implementacija ovog zakona na teritoriji općine Olovo započela je 1. januara 2006. godine. Po osnovu iskorištavanja šume i šumskih sortimenata na godišnjem nivou, općini Olovo pripada oko 150.000 KM. Naša nesreća se ogleda i u tome što Vlada Zeničko-dobojskog kantona nije u cjelosti izmirila pomenuti iznos Općini Olovo. Bili smo prisiljeni da tužimo Vladu Zeničko-dobojskog kantona zbog neizmirenja pomenutih obaveza.

Budžet Općine je 2.600.000 KM i dodatno je opterećen neplaniranim izvršnim sudskim presudama. Radi se o presudama po raznim osnovama. Značajan dio presuda u vezi je s tužbama građana, odnosno nepoštivanjem odredaba kolektivnog ugovora. Kolektivni ugovor za službenike u organima uprave i sudskoj vlasti nije usaglašen sa federalnim zakonom i kao takav proizvodi negativne posljedice. U konkretnom slučaju, Olovo je suočeno sa tužbama radnika po osnovu neprimjene odredaba kolektivnog ugovora. U tom pravcu Općina Olovo izdvaja velika sredstva. Obaveze prema tim radnicima izvršavamo u 24 jednake rate. Nadam se da ćemo u skorijoj budućnosti biti jedna od najuređenijih lokalnih zajednica kada su u pitanju budžetske obaveze.

ONASA: Najvažniji resursi kojima raspolaže općina Olovo?

HADŽIABDIĆ: Općina Olovo može se pohvaliti prirodnim resursima. Zasigurno imamo razvojnu šansu koja se isključivo ogleda u bogatstvu prirodnih resursa. To je

prvenstveno šuma, koja zauzima 70 posto ukupne površine općine Olovo. Blizu 30 posto teritorije je poljoprivredno zemljište i dobrim dijelom je obradivo. Posebno bogatstvo općine Olovo je i voda. Prije svega mislim na vodu kao hidroenergiju. Na području Općine nalaze se rijeke Bioštica, Stupčanica i Krivaja, na kojima postoji mogućnost da u skorijoj budućnosti budu instalirani kapaciteti proizvodnje električne energije. Takođe, raspoložemo i izvorima termalne vode. Voda u Banji "Aquaterm" ima fantastične karakteristike i liječi čitav spektar bolesti. Početkom ove godine, rekonstruisali smo ovu ustanovu, u koju smo investirali 700.000 KM. Naša istinska želja je da obezbijedimo ozbiljnog partnera koji bi bio spreman uložiti u proširenje ovog banjsko-rekreativnog centra. Osim direktnog upošljavanja domaćeg i stručnog kadra, proširenje banjsko-rekreativnog centra doprinijelo bi i razvoju uslužnih djelatnosti, proizvodnje suvenira, trgovine, zanatstva i slično. Općina Olovo prepoznatljiva je i po rudi olova. Prije rata u rudniku su vršeni istraživački radovi s ciljem eksploatacije, a nakon rata, ništa ozbiljnije nije učinjeno. Ovih dana raspisali smo javni poziv za dodjelu konsesije za eksploataciju rude olova na teritoriji Općine. Smatramo da je taj projekat vrlo bitan.

ONASA: Koji su to kapitalni projekti koje je općinska vlast uspjela realizovati u proteklom periodu?

HADŽIABDIĆ: Veliki broj projekata realizovan je tokom mog mandata. Pomenuo sam uspješnu rekonstrukciju Hotela „Aquaterm“. Prošle godine uspješno smo asfaltirali i sanirali oko 15 kilometara putne infrastrukture. Koristan projekat bilo je i čišćenje korita rijeka Bioštica, Stupčanice i Krivaje. U oblast individualne stambene izgradnje utrošeno je blizu milion KM. Radi se, uglavnom, o stambenim jedinicama u povratničkim naseljima. Obnovili smo, takođe, i fasade u centru grada, tako da Olovo više ne ostavlja utisak rugla, već nove čaršije. U Domu kulture prošle godine smo opremili savremenu šalter-salu, a ove godine ući ćemo u realizaciju drugog projekta koji se odnosi na rekonstrukciju i adaptaciju Doma kulture. Namjeravamo da, osim adaptacije sprata zgrade Općine, sagradimo i ovaj centar za kulturu, jer se sadašnji nalazi u vrlo skromnim prostorijama.

Projekat alternativnog napajanja električnom energijom ovih dana privodi se kraju. Bili smo jedna od rijetkih općina koja nije imala alternativno napajanje električnom energijom. Realizacijom ovog projekta, taj problem ćemo riješiti.

Olovo, između ostalog, ima obilježje i poljoprivredne općine. Želja nam je, da sistemom poticajnih mjera, stimulišemo naše ljude da svoja egzistencijalna pitanja rješavaju kroz poljoprivrednu proizvodnju, prvenstveno pojačan razvoj pčelarstva, plastičke proizvodnje, voćarstva, stočarstva i slično. Naš zadatak je, takođe, da ulažemo u prerađivačku djelatnost.

ONASA: Da li ste zadovoljni stepenom zaposlenosti na području općine Olovo i šta općinska vlast čini na povećanju zaposlenosti, posebno kada su u pitanju mladi kadrovi?

HADŽIABDIĆ: Na teritoriji općine Olovo živi 10.000 stanovnika, od kojih je 1.954 zaposlenih, nezaposlenih 1.856, a penzionera oko 2000.

Prema procjeni potencijalnih ulagača, aktiviranjem rudnika olova stvoreni bi uslovi za 150 novih radnih mjesta.

Karakterističan je pokušaj da se problemi preduzeća u stečaju riješe na zadovoljavajući način. Zbog loše provedene privatizacije, 2009. godine raskinut je ugovor o privatizaciji trgovinskog preduzeća Promet. Prodajom određenog dijela imovine tog preduzeća, oko 80 posto obaveza izmireno je prema državi, povjeriocima i radnicima. Problemi svih radnika biće riješeni na zadovoljavajući

način prodajom imovine preduzeća u cjelosti.

Tehno-ekonomska cjelina, pilana, preduzeća "Stupčanica" prodana je preduzeću iz Konjica, čiji vlasnik namjerava da nastavi proizvodnju u krugu te pilane. To je bitna činjenica, jer će u novom pogonu pilane biti zaposleno od 125 do 200 radnika. Na prodaju je, takođe, i auto-baza, te kamenolom u Paskovoj Luci sa dvije upravne zgradama. Prodajom imovine preduzeća "Stupčanica" biće omogućeno izmirenje obaveza prema državi, povjeriocima i radnicima. Smatram ovo zdravim pristupom prodaje imovine, jer će biti nastavljena kontinuirana proizvodnja, što će biti dodatna garancija i sigurnost u daljem i perspektivnijem razvoju Olova. Aktiviranjem prodatih pogona, te aktiviranjem rudnika i eventualno, kroz dodatno zapošljavanje u Banji "Aquaterm", uposlili bismo 200 do 300 ljudi, a kasnije i više. Time bismo najvećim dijelom riješili problem zapošljavanja mladih ljudi na teritoriji ove općine.

Ne treba izostaviti ni Kompaniju Almaras, preduzeće koje se bavi proizvodnjom u oblasti konfekcije. U kompaniji je blizu 500 stalno uposlenih radnika, što za Općinu predstavlja bitan podatak, jer je to garancija opstojnosti i razvoja Općine. Nadam se da će narednih dana ova kompanija otvoriti robnu kuću u centru grada, u kojoj će biti mjesta za 20-ak novih radnika.

ONASA: Nakon što Parlament Federacije BiH nije odobrio inicijativu pripajanja Općine Olovo Kantonu Sarajevo, koje je konkretne korake općinska vlast poduzela kako bi riješila probleme tamošnjeg stanovništva, koji se prvenstveno odnose na pristup zdravstvu i obrazovanju?

HADŽIABDIĆ: Mi nismo odustali od političke borbe izdvajanja Općine Olovo iz Zeničko-dobojskog kantona i pripajanja sarajevskoj administrativnoj regiji. Općina Olovo pripadala je sarajevskoj administrativnoj regiji do početka rata 1992. godine. Nakon završetka rata, Općina je nakaradnim političkim odlukama pripojena Zeničko-dobojskom kantonu. Građani su osuđeni da u Zenicu putuju preko Sarajeva. Fizička udaljenost Olovo - Sarajevo je 50 kilometara, a Olovo - Zenica 125 kilometara. Ukoliko bismo to gledali kroz ekonomske parametre, povratna karta na relaciji Olovo - Sarajevo je 20 KM, a Olovo - Zenica je 60 KM.

Osim toga, jedan od najvćih problema je liječenje građana. U tom pravcu smo učinili vrlo konkretne korake. Namjeravamo organizovati sastanak na kojem će sudjelovati federalni premijer, direktori kantonalnih zavoda Sarajeva i Zenice, Kliničkog centra Univerziteta u Sarajevu i zavoda zdravstvenog osiguranja. Pokušaćemo da uspostavimo dogovor da se problemi zdravstvene zaštite građana općine Olovo umjesto u Zenici rješavaju u Kliničkom centru Univerziteta u Sarajevu. Uz postojeće garancije, nadam se da bi početkom sljedeće godine ovaj problem mogao biti riješen. Građani općine Olovo samo su u hitnim slučajevima i na prijedlog tročlane ljekarske komisije bili upućivani u Klinički centar Univerziteta u Sarajevu. Po isteku odobrenog vremenskog roka za prvo liječenje, oni su često dislocirani u neke zdravstvene centre Zeničko-dobojskog kantona. U tim slučajevima, građani često odbijaju takav nastavak liječenja, što negativno utiče na njihovo zdravlje.

Pristup obrazovanju nema smetnji. Osnovno obrazovanje je pod okriljem Kantonalnog ministarstva obrazovanja. Srednje i visoko obrazovanje je na bazi dobre volje. Srednjoškolci i studenti uglavnom se školuju u Sarajevu, Tuzli i Zenici.

ONASA: Kako ocjenjujete saradnju Općine Olovo sa organima vlasti u ZDK i višim nivoima vlasti?

HADŽIABDIĆ: Saradnja u administrativno-poslovnom smislu je besprijekorna.

Međutim, kao građani Općine ne možemo biti zadovoljni tom saradnjom zbog tog političkog pripadanja ZDK. Takva odluka dodatno košta svakog građanina Olova. Kada dodamo probleme političke naravi i implementaciju pomenutog zakona o šumama, organizovanjem šumsko-privrednog društva sa sjedištem u Zavidovićima, Općina Olovo je ostala bez preduzeća na svojoj teritoriji i trpi samo štetne posljedice. Implementacija tog zakona stvara samo dodatne probleme.

ONASA: Funkciju načelnika Općine Olovo obnašate od 2008. godine. Šta će biti Vaši prioriteti u daljem radu?

HADŽIABDIĆ: Ljudska, iskrena i moralna namjera je da resurse općine Olovo stavimo što prije u funkciju građana, prije svega mladih i stručnih ljudi. Tim činom ćemo promijeniti ambijent življenja. Posebno naglašavam da nismo odustali od političke borbe izdvajanja Općine Olovo iz ZDK i pripajanja sarajevskoj administrativnoj regiji.

19 GRADOVA APLICIRALO NA TITULU EUROPEAN GREEN CAPITAL 2014



Evropska zelena prijestolnica (European Green Capital Award – EGCA), je nagrada koju svake godine dodjeljuje Evropska komisija. Cilj takmičenja je prepoznavanje i nagrađivanje lokalnih napora koji idu u smjeru poboljšanja kvalitete života u gradovima kroz vođenje brige o životnoj okolini.

EGCA nagrađuje svake godine jedan grad, koji nužno ne mora biti glavni grad, ali koji je vodeći na putu ka brizi za ekologiju urbanog života i koji može predstavljati uzor za druge gradove.

Za dobijanje nagrade Evropska Green prijestolnica za 2014. prijavilo se 19 gradova iz 14 evropskih zemalja. Mapu sa prijavljenim gradovima možete vidjeti [OVDJE](#).

Rok za podnošenje prijava je zatvoren i aplikacije će biti ocijenjene od strane komisije. To će uključivati kvalitativne procjene i ocjene svake prijave na temelju 12 oblasti. Nakon ovih procjena, 3-4 grada će ući u uži izbor za nagradu 2014. Gradovi koji uđu u uži izbor bit će pozvani da prezentiraju svoje akcijske planove i komunikacijske strategije pred žirijem, koji će donijeti konačnu odluku.

Prva Evropska Green prijestolnica u 2010. bio je Stockholm. Hamburg je sljedeći i trenutni nositelj naslova, a španjolski grad Vitoria-Gasteiz preuzima u 2012. U 2013., kruna će biti proslijeđena Nantes u Francuskoj.

Ceremonija primopredaje naslova Evropska Green prijestolnica od gradonačelnika Hamburga (2011) za gradonačelnika Vitoria-Gasteiz (2012), održat će se tokom ovogodišnje sjednice Odbora regija (CoR) u decembru/prosincu, uz prisustvo Evropskog komesara za okoliš, Janeza Potočnika i predsjednice Odbora regija, Mercedes Bresso.

Za više informacija posjetite web stranicu [Evropske Green prijestolnice](#).

ČETVRTI POZIV ZA DODIJELU EUROPEAN AWARD OF EXCELLENCE „CITY OF CHILDREN“

4th European Award of Excellence

»City for Children«



2012

Child-Friendly
Neighbourhood Planning



Congress
Congrès

Committee of the Regions

STUTTGART

City for Children

Robert Bosch Stiftung

U kontekstu sve veće međunarodne lokalne konkurencije, djeci prilagođeno urbano planiranje je postalo važan lokalni faktor. Gradovi moraju biti privlačni za porodice pružajući djeci prijateljski stambeni prostor. Standard urbane četvrti je naročito važan za kvalitet dječijeg života. Četvrto Evropsko takmičenje izvrsnosti (European Award of Excellence) "Grad za djecu" („City of Children“), usmjeren je direktno na projekte u području "urbanog planiranja prilagođenog djeci".

Nagrada će biti dodijeljena za projekte, u kojima je susjedstvo dizajnirano s holističkim pristupom. Žiri traži inovativne projekte planiranja susjedstva koji su perspektivni

za djecu i njihove porodice, koji su osmišljeni sa kvalitetnim uređenjem urbanog područja s obzirom na razvoj, arhitekturu, slobodni prostor i korištenje. Projekti bi se trebali usredotočiti na socijalnu uključenost, kao i da posjeduju ekološku dimenziju i da budu socijalno održivi. Projektne teme mogu biti usmjerene ka izgradnji novih naselja ili remodeliranja postojećih. Projekti moraju biti koncipirani u skladu s potrebama djece i mladih u kontekstu integrirane, interdisciplinarnе strategije urbanog planiranja.

Kriteriji za odabir

(Podnešeni projekti moraju već biti provedeni u općini.)

- Planiranje susjedstva
- Inovacija
- Očekivani prinos
- Prihvaćanje od strane korisnika
- Stepен sudjelovanja
- Prenosivost na druge općine
- Javnost strategije
- Održivost

Učesnici

Pravo učešća imaju svi evropski gradovi sa više od 100.000 stanovnika.

Također, mogu se prijaviti u saradnji sa organizacijama, udrugama, ustanovama, tvrtkama, vjerskim institucijama i drugim partnerima koji su uključeni u organizaciju projekata na terenu.

Žiri namjerava dodijeliti jednu nagradu pobjedničkom gradu. U slučaju da više projekata dobije najviše ocijene, bit će dodijeljeno više nagrada.

Aplikacija

Svi zainteresovani mogu aplicirati do 15. decembra/prosinca 2011. godine.

Za više informacija pogledajte web stranicu <http://www.citiesforchildren.eu>

Aplikacijske dokumente možete preuzeti ispod:

[Poziv za prijavljivanje](#)

[Prijavni obrazac](#)
